



UNIVERSITÄTS-
BIBLIOTHEK
PADERBORN

Catena Temporum

Andrian, Carl

Herbipoli, 1698

Ante Diluvium.

[urn:nbn:de:hbz:466:1-65485](https://nbn-resolving.org/urn:nbn:de:hbz:466:1-65485)



SERIES PRIMA.

Filij DEI.

Ab an. m. 1. ad an. 1656.

SEth filius Adæ natus an. 151. vixit 912.
mortuus est 1042.

Enos Sethi f. n. 236. v. 905. m. 1140.

Cainan l. Enos f. n. 326. v. 910. m. 1235.

Malaëleel Cainani l. f. n. 396. v. 895. m. 1290.

Jared Malaëleelis f. n. 461. v. 962. m. 1422.

Henoch Jaredi f. n. 623. translatus à Deo
987.

Mathusalem Henochi f. n. 688. v. 969. m.
1656.

Lamech Mathusalemi f. n. 875. v. 777. m.
1651.

Noë Lamechi f. n. 1037 v. 950. m. 2006.

Sem Noë f. n. 1559. v. 600. m. 258.

Cham & Iaphet Noë filij ante diluuium na-
ti, sed eorum tempora in sacris litteris
non designantur.

Filij Hominum ab an. 1. ad an. 1656.

CAin Adæ f. n. 1. m. 701. ut aliquibus vi-
sum: nam sacræ litteræ tum illius tum
posterorum tempora omnino silent.

Henoch Caini filius.

Irad Enoch f.

Maviael Iradi filius.

Ma-

4 *ab Orbe Condito*

Mathusaël Maviaëlis f.

Lamech Mathusaëlis f.

Ab hoc primò videtur Polygamia induc̃ta.

Jabel & Jubal Lamechi ff. ex Ada

Tubalcain Lamechif. ex Sella.

— — — — —

SERIES II.

Religio ab An: 1. ad an. 1656.

ADam filios Dei cultum imprimis & Sa-
crificandi ritus edocet.

Abel ob singularem Religionem & inno-
centiam Deo gratus ;

Seth primus & egregius divini cultus pro-
pagator.

Enos primus solenniores statasque ce-
remonias in divino cultu adhibuit, hinc
dictus est primus invocasse nomen Do-
mini.

Enochus Sethi trinepos ob summam cum
Deo familiaritatem divinitus est ex homi-
nium cætu & oculis raptus.

— — — — —

SERIES III.

*Res supernaturam ab an. 1. ad
an. 1656.*

SAcrificium Abelis certo signo Deus pro-
bat,

usque ad diluuium.

bat, sive ignis è cælo dimissus, sive fumus rectâ in cœlum tendensid fuerit, non liquet.

Caino post fratricidium terra innocentis imbuta sanguine visa est fruges negasse, & pse ultrice sceleris conscientia post Dei minas profugus erravit.

✠ ✠ ✠ ✠ ✠ ✠ ✠ ✠ ✠ ✠

SERIES IV.

Regna ab an. 1 ad an. 1656.

ADam genus humanum Patris potius amore quàm principis potestate rexit, quamdiu illi filij nepotesque paruere.

Si quæ fuerunt ante diluuium regna, ea intra unius oppidi aut agri limites finiebantur.

Cain primus Henochiâ conditâ & de filij nomine dictâ videtur in ea regnasse.

✠ ✠ ✠ ✠ ✠ ✠ ✠ ✠ ✠ ✠

SERIES V.

Bella ab an. 1. ad an. 1656.

Bellis prælusit Abelis cædes à Caino invidiâ impellente patrata.

Cæterum fuisse inter Cainitas & reliquos Adamitas bella non immeritò plurimi suspicantur.

Certè tubas & arma belli instrumenta ante terrarū eluisionem inventa novimus.

A 3

SE,

SERIES VI.

Scientiæ ab an. 1. ad 1656.

Scientiarum saltem principia seu rudimenta Adamo divinitus indita, ab eo traduntur filiis, & nepotibus, à quibus ad posteros propagantur.

Si Psalmos Adam composuit, uti tradunt Talmudici: quibus videtur assentiri *Genebrardus*, non hominum magis quam poëtas pater dicendus est.

Quin & ab alijs ante terrarum eluvionem sacris hymnis, canticis, & psalmis, Dei laudes, victorias, & res prosperè gestas fuisse celebratas docet Huetius *in demonstrat: Evangelic:*

Inventas à Setho litteras opinantur aliqui, quod dubio procul certissimum foret, si verum esset, quod aliqui ex gravissimis Patribus tradidère: Scriptum scilicet ab Enocho librum, quem apud Æthiopes aservari scribit *Genebrardus*.

SERIES VII.

*Artes & Inventa ab an. 1,
ad 1656.*

Primus inter homines Pastor Abel: Cain primus Agricola: Lamech primus Venator.

usq; ad diluuium.

7

nator. Ars effodiendi metalla vel præcessit agriculturam, vel cum ea nata est, ut rectè Aristoteles *lib. 1. cap. 2. Oeconom.*

Label Pastoritia tabernacula, Iubal musicam, & ejus Instrumenta, Noëma Lanificium ac texturam invenit.

Tubalcain ferrariam peritiùs exercuit.

Henochia prima inter urbes à Caino condita, cui ab Henoch filio nomen dedit.

Artem nauticam primus divinitùs edoctus est Noë, cum iussus est arcam ædificare.

Nugatur Zozimus Panoplites affirmans Chymicorum artes hominibus ab Angelis traditas esse, cum hi mulieres adamassent.

— — — — —

SERIES VIII.

Res memorabiles ab an. 1. ad 1056.

PER hæc primæva mundi tempora Deo vires nature confirmante fœminæ binos fere semper enitebantur, ut plerique SS. Interpretes opinantur.

Quare anno mundi quo cæsus est Abel, magnam jam partem terrarum frequentatam fuisse docet eruditè *Bonfrer. in cap 4. Gene:*

Cainus in sylva pro fera habitus à Lamecho abnepote occisus est.

Sethi gens connubijs cum Caini gente

A 4

jun-

unctis, gigantes progenit, homines & corporis mole & morum improbitate per-
infignes. Quæ res Deum ad terrarum om-
nium eluvionem impulit.

Diluvium Vniversale.

Noë an. 1556. quingentesimum annum
agens monetur à Deo de immittenda ter-
ris omnibus eluvione, jubeturque arcam
fabricare, in qua ipse cum filijs possit as-
servari. Illa centum annorum spatio per-
fecta est, longa, Deo ita mandante, cubitos
300. lata 70. & alta 30.

Anno 1656. Deo iubente immisiss in Ar-
cam omnis generis animantibus ingressus
est Noë cum uxore sua, tribusque filijs Sem,
Cham, & Iaphet ac nubibus pari numero.
Hinc perpetuis 40. dierum effusis imbribus
omnia merguntur aquis, & nihil usquam
hominum cæterorumq; animantium reli-
quum in terris fit, præter id quod Noëmus
Dei monitu asservarat ad sobolem.

Noë porro cum suis in arca latuit 375
dies.

Advertat lector, quòd ob angustias com-
pendiariæ notæ adhibeantur quales sunt
A. C. ante Christum. F filius FF. filii. Fr.
Frater, FFr. Fratres, N natus, V, vixit, M.
mortuus, P. Pontifex, R. Rex, r. regnat
vel regnavit, M. mensis, M. martyr, E
Episcopus, D. Dux, C. Cardinalis.

CHRO.